



Nota Informativa Técnica<sup>1</sup>

KN / DGE: 9 Marsu 2023

## Timor-Leste: Preliminaria PIB La'os Petrolíferu 2022

- ❖ **PIB la'os-petrolíferu iha 2022 sa'e 3.9% iha termus konstante**, ne'ebé afeta husi aumentu substansial iha investimentu. Aleinde nee, governu ezekuta ona despeza publika ba infraestrutura no projetu sira seluk. Nune'e mos, Governu kontinua halo medida apoia ekonomia lubuk ida, inklui pakote estimulu hanesan transferénsia governu ba uma-kain sira. Haree Tabela I iha kraik.
  - **Konsumu públiku sa'e 8.0%**, ne'ebé lidera husi aumentu iha empregu no despeza ba sasán no servisu sira.
  - **Investimentu públiku sa'e maka'as ba 44.2%** bazeia ba despeza ba infraestrutura no projetu sira seluk. Rekuperasaun kompletu hafoin tun iha 2021 (-18.9).
  - **Despeza husi parseiru dezvoltamentu sira sa'e 13.3%**, tanba konsumu no investimentu ne'ebé aumenta, liuliu iha projetu sira ne'ebé asosiadu ho governu.
  - **Investimentu privadu sa'e 21.1%** tanba ne'e afeta husi ezekusaun despeza públiku governu nian ba infraestrutura no projetu sira seluk (efeito *crowding-in*).
  - **Konsumu privadu sa'e ba 1.9%**, ne'ebé implika aumentu moderadu iha konsumu ba kada ema, tanba suporta substansial husi governu ba uma-kain sira, hanesan transferénsia finanseiru no la'os finanseiru no aumentu iha reseita husi rai-li'ur, hanesan apoiu ba rendimentu privadu.
  - **Exportasaun sasán no servisu tun 1%, tanba produsaun kafé menus**, ne'ebé implika redusaun iha volume esportasaun kafé nian.
  - **Importasaun sasán no servisu sa'e 19.7%**, ne'ebé afeta husi aumentu maka'as iha sasán importadu sira, hanesan sasán konsumu no kapitál.
  - **Mudansa iha inventáriu sira sa'e 71.9%** hodi rekupera husi redusaun iha tinan rua antes nee, tanba komérsiu internasionál tun iha tempu pandemia Covid-19.

### ANEKSU

#### Tabela I. Produitu Internu Brutu Laos-Petrolíferu parte despeza tinan 2022.

	Taxa Kresimentu (%) (%)	Kontribusaun ba Kresimentu (pp)
Konsumu privadu	1.9	1.2

<sup>1</sup> Se ita-boot sira iha pergunta ruma ka presiza informasaun detallu, favór ida kontaktu Sr. Rodolfo Soares, Chefe departamentu Kontas Nasionais, iha rdsoares@mof.gov.tl.

Investimentu privadu	21.1	0.7
Parseiru Dezenvolvimentu	13.3	1.8
Konsumu publiku	8.0	4.4
Investimentu publiku	44.2	4.0
Eksportasaun sasán no servisu	-1.0	0.0
Eksportasaun sasán	-7.9	-0.1
Eksportasaun servisu	3.0	0.0
Importasaun sasán no servisu	19.7	9.3
Importasaun sasán	15.5	4.6
Importasaun servisu	26.4	4.8
Mudansa iha inventáriu sira	71.9	1.1
<b>PIB la'os-petroliferu (parte despeza)</b>	<b>3.9</b>	<b>3.9</b>

**NOTA TEKNIKU:** PIB preliminaru tinan 2022 ne'ebé publika iha fulan-marsu tinan 2023, bazeia ba informasaun foun ne'ebé disponivel kona-ba indikadór naun-petroliferu Timor-Leste nian **hodi fornese informasaun ho lalais kona-ba dezempeñu ekonómiku tinan-tinan Timor-Leste nian.** Ba versaun preliminar, indikadór di'ak liu ba PIB Laos-Petroliferu mai husi parte despeza. PIB finál 2022 sei publika iha Setembru 2023. Nunee, ida-ne'e mak loloos liu tanba sei inklui dados hotu-hotu, liuliu husi parte produsaun (Peskiza Atividade Emprejarial). **Ho razaun ida-nee, kresimentu finál PIB 2022 iha Setembru 2023 bele la hanesan ho kresimentu preliminar ne'ebé aneksu ona.**